

四庫全書

史部

欽定四庫全書

大事記卷五

宋 呂祖謙 撰

周赧王十九年

秦昭王十一年魏襄王二十二年韓襄王十六年趙惠文王三年齊湣王十八

年楚頃襄王三年
燕昭王十六年

彗星見

以本紀
年表修

楚懷王薨于秦秦歸其喪於楚楚人皆憐之如悲親戚

諸侯由是不直秦

以世
家修

楚與秦絕

以世
家修

魏伐楚

以戰國策修

趙主父與齊燕共滅中山遷其王於膚施還歸行賞大

赦置酒酺五日

以世家修

趙封公子章為大安陽君使田不禮相之

以世家修

魏襄王薨子昭王立

通鑑

韓襄王薨子釐王咎立

以世家修

楚以王子蘭為令尹放屈平於江南

以列傳修

周赧王二十年

秦昭王十二年魏昭王元年韓釐王咎元年趙惠文王四年楚頃襄王四年燕

昭王十七年

秦丞相樓緩免以穰侯魏冉為丞相

以年表修

秦子楚粟五萬石

以本紀修

趙公子章與田不禮作亂殺肥義公子成李兌誅之遂

弑主父於沙丘

以世家修

燕昭王以樂毅為亞卿

以列傳修

秦尉錯擊魏襄城

以年表修

周赧王二十一年

秦昭王十三年魏昭王二年韓釐王二年趙惠文王五年齊湣王二十年

燕昭王
十八年

秦向壽伐韓取武始

以本紀修

秦左庶長白起擊韓新城

以列傳修

秦敗魏師于解

通鑑

趙以鄭易與燕

以世家修

秦五大夫呂禮奔齊

以本紀彙侯傳修

秦以任鄙為漢中守

以本紀修

齊田甲作亂田文奔薛湣王召文復其位文遂歸老於

薛

以年表
猶古錄修

周赧王二十二年

秦昭王十四年魏昭王三年韓釐王三年

韓魏攻秦秦左更白起敗之於伊闕殺魏將犀武虜韓將公孫喜斬首二十四萬拔五城又涉河取韓安邑

以東至乾河

以本紀世家列傳戰國策修

周赧王二十三年

秦昭王十五年魏昭王四年楚頃襄王七年

秦大良造白起攻魏取垣復予之又攻楚取宛葉

以本紀據

侯傳修

楚迎婦于秦

以世家修

卷五

秦丞相魏冉免以客卿燭壽為丞相

以年表列傳修

周赧王二十四年

秦昭王十六年韓釐王五年楚頃襄王八年

秦左更錯伐楚取鄧

以本紀修

秦伐韓拔宛

以年表世家修

秦丞相燭壽免復以魏冉為丞相封於穰與陶謂之穰

侯又封公子市為宛侯公子悝為鄧侯

以列傳本紀修

周赧王二十五年

秦昭王十七年魏昭王六年韓釐王六年

東周君朝秦

以本紀修

秦丞相魏冉伐魏魏與秦河東地四百里

以列傳年表修

韓與秦武遂地二百里

以年表世家修

魏芒卯以詐見重

年表

周赧王二十六年

秦昭王十八年魏昭王七年

秦丞相魏冉大良造白起客卿錯伐魏至軹取城大小

六十一

以列傳年表修

周赧王二十七年

秦昭王十九年魏昭王十八年趙惠文王十一年齊湣王二十六年

十月秦昭王自稱西帝遣魏冉立齊湣王為東帝齊湣王稱帝二日復歸之十一月秦昭王亦去帝復稱王

以年表世
家通鑑修

秦拔趙梗陽

以世
家修

甲戌周赧王二十八年

秦昭王二十年魏昭王九年趙惠文王十二年齊湣王二十七

年

秦攻魏拔新垣曲陽

通鑑

趙伐齊

以世
家修

周赧王二十九年

秦昭王二十一年魏昭王十年韓釐王十年趙惠文王十三年齊湣王二

十八年楚頃襄王十二年宋王四十四年

魏以田文為相文以薛屬魏

以戰國策皇極經世修

齊以呂禮為相秦伐齊呂禮出奔

以戰國策史記列傳修

秦將司馬錯攻魏河內魏獻安邑秦出其人募民徙河

東賜爵赦罪人遷之

以本紀通鑑修

趙伐齊

以世家修

秦敗韓師于夏山

以世家修

趙李兌約五國伐秦無功還至成臯而罷

以戰國策修

宋滅滕

以戰國策修

齊湣王與魏楚滅宋三分其地宋王偃奔魏死于溫

以年

表世家修

齊取楚淮北

以世家修

周赧王三十年

秦昭王二十二年趙惠文王十四年齊湣王二十九年楚頃襄王十四年

齊湣王殺司馬穰苴狐咺陳舉

以通鑑戰國策修

秦蒙武伐齊取河東九縣

以本紀修

秦昭王與楚頃襄王會于宛又與趙惠文王會于中陽

以年表
世家修

周赧王三十一年

秦昭王二十三年魏昭王十二年韓
釐王十二年趙惠文王十五年齊湣

王三十年楚頃襄王十
五年燕昭王二十八年

燕樂毅會秦楚韓趙魏五國之師伐齊大破之濟西諸

侯兵皆罷樂毅獨追入臨菑齊湣王奔莒燕封樂毅

為昌國君使以兵平齊城之未下者

以皇極經
世世家修

楚趙取齊淮北地

以年表
世家修

秦昭王魏昭王韓釐王會于西周

以本紀年表修

齊相淖齒弑湣王于莒莒人殺齒奉湣王子法章立之

實襄王

以戰國策世家
皇極經世修

齊王蠋不受燕封死於畫邑

以列傳修

燕盡降齊七十餘城獨田單守即墨與莒皆不下

以列傳修

周赧王三十二年

秦昭王二十四年魏昭王十三年趙惠文王十六年齊襄王法章元年楚

頃襄王十六年衛嗣君四十二年燕昭王二十九年

秦昭王與楚頃襄王會于鄢秋又會于穰

以本紀世家修

秦拔魏安成兵至大梁燕趙救之而還

以年表
本紀修

秦丞相魏冉免

以本
紀修

衛嗣君薨子懷君立

世
家

趙以廉頗為上卿藺相如為上大夫

以列傳
通鑑修

燕昭王使方士入海求三神山

以前漢
志修

周赧王三十三年

秦昭王二十五年魏昭王十四年韓
宣王十四年趙惠文王十七年衛懷

君元
年

秦伐趙拔兩城

以年表
世家修

魏大水

年表

秦昭王與韓釐王會新城與魏昭王會新明邑

以本紀修

周赧王三十四年

秦昭王二十六年趙惠文王十八年魏昭王十五年楚頃襄王十八年

秦拔趙石城

以世家修

趙決河水伐魏

以世家修

秦魏冉相趙

以世家修

秦復以魏冉為丞相

以本紀年表修

楚約諸侯為從將以伐秦因欲圖周王使西周武公說

楚而止

以世家修

周赧王三十五年

秦昭王二十七年魏昭王十六年趙惠文王十九年齊襄王四年楚頃襄

王十九年

秦赦罪人遷之南陽

以本紀修

秦白起伐趙斬首二萬取代光狼城

以年表本紀修

秦地動壞城

年表

秦司馬錯發隴西兵因蜀攻楚黔中拔之楚以上庸漢

北地與秦

以本紀通鑑世家修

趙趙奢與魏魏伯陽攻齊麥丘取之

以世家修

周赧王三十六年

秦昭王二十八年趙惠文王二十年齊襄王五年楚頃襄王二十年燕昭

王三十三年

秦大良造白起伐楚取鄢鄧西陵赦罪人遷之

以本紀世家修

秦昭王趙惠文王會于西河外渰池

以年表世家修

趙以藺相如為上卿

以列傳修

燕昭王薨子惠王立惠王使騎劫代樂毅將圍即墨樂

毅去之趙齊田單大破燕軍殺騎劫盡復齊七十餘

城迎襄王于莒入於臨菑襄王以田單為相封安平

君

以年表列傳
戰國策修

齊襄王用貂勃諫誅幸臣諧田單者九人益封單食邑

萬戶

以戰國策
通鑑修

齊田單伐狄

以戰國策
通鑑修

齊田文以薛自立為諸侯文卒齊魏共滅薛

以列傳修

齊以荀卿為列大夫祭酒

以列傳修

周赧王三十七年

秦昭王二十九年趙惠文王二十一年
楚頃襄王二十一年燕惠王元年

楚莊辛去之趙

以戰國策修

秦大良造白起攻楚取郢燒夷陵楚先王墓東略地至

竟陵以為南郡楚頃襄王東北走徙都陳秦以白起

為武安君

以本紀年表世家修

楚封莊辛為陽陵君

以戰國策修

周君朝秦

以秦紀修

秦昭王與楚頃襄王會于襄陵

以本紀修

趙徙漳水武平西

以世家修

甲申周赧王三十八年

秦昭王三十年魏昭王十九年趙惠文王二十二年楚頃襄王

二十二年

秦白起與蜀守若伐楚拔巫黔中以為黔中郡

以本紀年表修

魏昭王薨子安釐王立

通鑑

趙大疫

以世家修

周赧王三十九年

秦昭王三十一年魏安釐王元年趙惠文王二十三年楚頃襄王二十三年

年

秦白起伐魏取兩城

以本紀世家修

楚頃襄王收東地兵十餘萬復西取秦所拔江南十五

邑以為郡距秦

以世家本紀修

魏封公子無忌為信陵君

以年表修

趙樓昌攻魏幾不能取十二月使廉頗代將攻幾取之

以世家修

周赧王四十年

秦昭王三十二年魏安釐王二十二年韓釐王二十一年趙惠文王二十四年

秦以魏冉為相國伐魏韓暴為救魏魏冉破之斬首四

萬為走開封魏割八縣以和魏冉復伐魏走芒卯入

北宅遂園大梁魏割溫以和

以本紀世家
列傳通鑑修

趙廉頗拔魏房子安陽

以皇極
經世修

周赧王四十一年

秦昭王三十三年魏安釐王三年趙
惠文王二十五年齊襄王十年魯湣

公二十三年
燕惠王三年

魏背秦與齊從親秦魏冉伐魏拔四城斬首四萬

以列
傳年

表世
家修

趙燕周攻齊昌國高唐遂取之

以世
家修

魯湣公薨子頃公讎立

以世
家修

周赧王四十二年

秦昭王三十四年魏安釐王二十四年韓釐王二十三年趙惠文王二十六年

魯頃公雖元年齊襄王十一年楚頃襄王十六年

趙魏伐韓華陽秦魏冉白起客卿胡傷救韓敗魏將芒

卯於陽斬首十二萬取卷蔡陽長社又敗趙將賈偃

沉其卒二萬於河取觀津魏子秦南陽以和以其地

為南陽郡遷免臣居之

以世家列傳皇極經世本紀修

秦復與趙觀津將與之同伐齊齊使蘇代說魏冉而止

以列傳修

趙取東胡甌代地

以世家修

秦將使白起與韓魏伐楚楚使黃歇說秦昭王昭王乃

止白起與楚和

以列傳修

魏城西周

以本紀修

韓釐王薨子桓惠王立

通鑑

周赧王四十三年

秦昭王三十五年韓桓惠王元年魏安釐王五年趙惠文王二十七年楚

頃襄王一十七年燕惠王七年

楚太子完為質於秦

以世家通鑑修

趙徙漳水武平南

以世家修

趙河水出大滌

以世家修

燕惠王薨子武成王立

通鑑

韓魏與秦楚伐燕

以本紀世家修

周赧王四十四年

秦昭王三十六年趙惠文王二十八年齊襄王十二年燕武成王元年

趙藺相如伐齊至平邑

以世家列傳修

秦客卿竈攻齊剛壽

以世家范

秦滅義渠

以前漢匈奴傳修

秦以范雎為客卿

以列傳修

周赧王四十五年

秦昭王三十七年趙惠文王二十九年齊襄王十四年楚頃襄王十九年

秦伐趙圍閼與趙使趙奢救大破秦軍解閼與圍

以世家列

傳修

西周君如秦以應為秦太后養地

以本紀戰國策修

秦與楚攻齊剛壽

以年表世家修

周赧王四十六年

秦昭王三十八年趙惠文王三十年

秦中更胡傷攻趙閼與不拔

以世家通鑑修

周赧王四十七年

秦昭王三十九年
魏安釐王九年

秦五大夫綰拔魏懷城

以范雎傳
年表修

甲午周赧王四十八年

秦昭王四十年
魏安釐王十年

秦悼太子質於魏而卒

通鑑

周赧王四十九年

秦昭王四十一年
魏安釐王十一年
趙惠文王三十三年

秦拔魏邢邱

以本紀范
雎傳修

秦免魏冉相國奪宣太后權以客卿范雎為丞相封應

侯

以皇極
經世修

秦華陽君芊戎王弟涇陽君出就封

以范雎獲侯傳修

趙惠文王薨子孝成王丹立

以世家修

周赧王五十年

秦昭王四十二年趙孝成王丹元年韓桓惠王八年燕武成王七年齊襄王十

九年

秦昭王以次子安國君柱為太子

以呂不韋傳本紀索隱修

趙以平原君趙勝為相

以年表修

秦宣太后芊氏薨魏冉就封於陶

以本紀修

齊楚攻魏秦救魏魏復定魏王欲與秦伐韓求故地公

子無忌諫而止

以史記
世家修

秦拔趙三城趙使長安君為質於齊以求救齊師出秦

師乃退

以世家
通鑑修

秦伐韓少曲高平拔之

以范曄
傳修

趙以齊安平君田單為將伐燕拔中陽又攻韓注人拔

之

以世家戰
國策修

齊襄王薨子建立國事皆決於母太史氏號君王后

以世

家修

周赧王五十一年

秦昭王四十三年韓桓惠王九年趙孝成王二年齊王建元年

秦白起攻韓陘城拔汾荀五城斬首五萬

以年表世家列傳修

秦城廣武

以范睢傳修

趙以田單為相

以世家修

周赧王五十二年

秦昭王四十四年韓桓惠王三十年楚頃襄王三十六年

秦白起攻韓取南陽絕太行道

以年表列傳修

楚太子完自秦亡歸

以世家修

楚頃襄王薨子考烈王完立

以世家修

周赧王五十三年

秦昭王四十五年韓桓惠王十一年趙孝成王四年楚考烈王完元年

楚人納州于秦以平

通鑑

楚以黃歇為相封春申君食淮北十二縣

以列傳修

秦五大夫賁攻韓取十城

以本紀修

秦葉陽君惲出就封未至而死

以本紀修

秦白起拔韓野王絕上黨道韓獻上黨於秦上黨守馮

亭以郡降趙

以世家列傳修

周赧王五十四年

秦昭王四十六年韓桓惠王十二年

秦攻韓維氏蘭拔之

白起傳

周赧王五十五年

秦昭王四十七年趙孝成王六年齊王五年楚考烈王三年

秦左庶長王齕攻上黨拔之上黨民走趙趙使廉頗軍長平以按據上黨民四月齕因攻趙斬趙裨將茄六月攻趙軍取二鄣四尉七月廉頗築壘壁而守之秦又攻壘取二尉趙以趙括代廉頗將秦亦使白起代

王齕將絕趙糧道

以列傳修

齊人楚人救趙趙請粟於齊弗許

以世家通鑑修

九月秦白起大破趙師於長平殺趙括坑降卒及前後

斬首凡四十五萬

以年表
列傳修

周赧王五十六年

秦昭王四十八年魏安釐王十八年
韓桓惠王十四年趙孝成王七年齊

王六
年

正月秦太子中男異人質在趙納呂不韋妾生子政

以戰

國策列傳
本紀修

秦白起分軍為三使王齕拔趙武安皮牢司馬梗北定

太原盡有上黨地韓趙恐使蘇氏說秦相范雎罷白

起兵割韓垣雍趙六城以和

以列傳
本紀修

趙不入六城於秦使虞卿以賂齊秦反賂趙以和

以列傳脩

魏以孔斌為相尋以病免

以通鑑修

九月秦五大夫王陵攻趙圍邯鄲

以列傳
世家修

周赧王五十七年

秦昭王四十九年趙孝成王八年魏
安釐王十九年楚考烈王五年燕武

成王十

四年

正月秦王陵攻邯鄲亡五校以戰不善免使王齕代之

以白起傳
本紀修

趙使趙勝乞師于楚楚黃歇帥師救趙

以列傳世家修

魏使新垣衍入趙議尊秦為帝魯仲連沮止之

以列傳修

燕武成王薨子孝王立

通鑑

魏晉鄙救趙留軍壁鄴

以魏公子傳修

甲辰周赧王五十八年

秦昭王五十年魏安釐王二十年趙孝成王九年楚考烈王六

年燕孝王元年

十二月秦殺白起杜郵

以本紀列傳修

秦益發卒軍汾城旁魏公子無忌矯殺晉鄙奪其軍救

邯鄲大破秦軍楚景陽亦將兵至鄭安平以二萬人

降趙王齧解邯鄲圍奔汾軍拔新中而去公子無忌

遂留趙

以本紀列傳世家年表修

秦質子異人自趙逃歸太子以為嗣更名曰楚

以列傳修

秦初作河橋

本紀

周赧王五十九年

秦昭王五十一年魏安釐王二十一年韓桓惠王十七年趙孝成王十年

楚考烈

王七年

韓魏楚救趙新中秦兵罷

年表

秦將軍嫪毐攻韓取陽城負秦斬首四萬攻趙取二十餘
縣斬首虜九萬赧王恐與諸侯約從攻秦秦使將軍
嫪毐攻西周赧王入秦盡獻其邑三十六口三萬秦受

其獻歸赧王於周是歲卒

以本紀
通鑑修

大事記卷五

欽定四庫全書

大事記卷六

宋 呂祖謙 撰

秦昭王五十二年

楚考烈王八年燕孝王三年魯頃公十九年

河東守王稽坐與諸侯通誅

以列傳通鑑修

相國范雎免以客卿蔡澤為丞相

以列傳修

西周民東亡遷西周君於囂狐

以周紀秦紀修

楚伐魯取徐州

以世家修

丞相蔡澤免

以列傳修

燕孝王薨于喜立

通鑑

楚人遷魯于莒而取其地

通鑑

秦昭王五十三年

魏安釐王二十三年韓桓惠王十九年趙孝成王十二年齊王十一年楚

考烈王九年

燕王喜元年

楚齊韓燕趙皆來賓魏獨後使將軍摎伐之取吳城魏

委國聽令

以皇極經世本紀修

韓王來朝

以本紀修

趙邯鄲屠焚

以世家修

秦昭王五十四年

楚考烈王十年

楚徙都鉅陽

以年表修

王郊見上帝於雍

以本紀修

秦昭王五十五年

魏安釐王二十五年趙考成王十四年衛懷君三十一年

趙平原君趙勝卒

以世家修

衛懷君朝魏魏執而殺之更立其弟元君

以世家修

秦昭王五十六年

韓桓惠王二十二年趙考成王十五年燕王四年衛元君元年

秋王薨太子柱立是為孝文王追尊唐八子為唐太后

與昭王合葬韓王哀經入弔祠諸侯皆使其將相來

弔祠視喪事

以本紀修

立子楚為太子

以列傳修

趙奉太子之子政來歸

以列傳修

燕栗腹卿秦伐趙趙使廉頗擊破栗腹於鄢破卿秦於

代遂圍燕燕割五城與趙和乃解圍趙以廉頗為假

相國信平君

以世家列傳修

秦孝文王柱元年

燕王五年齊王十五年

十月己亥王除喪即位赦罪人辛丑王薨太子楚立是

為莊襄王尊孝文王后為華陽太后又尊母夏姬為

夏太后

以本紀呂不韋傳修

燕將據齊聊城齊田單攻之不下魯仲連以書下之齊

欲爵仲連仲連逃隱海上

以列傳修

秦莊襄王楚元年

韓桓惠王二十四年趙孝成王十七年齊王十六年楚考烈王十四年燕

王六年魯頃

公二十五年

大赦

本紀

以呂不韋為相國

以本紀
列傳修

東周君與諸侯謀來伐王使相國呂不韋滅之遷東周

君於陽人

以本紀
通鑑修

封呂不韋為文信侯封河南洛陽十萬戶

以列
傳修

蒙驁伐韓拔成臯滎陽初置三川郡

以本紀
世家修

趙假相樂乘圍燕

以世
家修

齊君王后薨

以世
家修

楚滅魯徙魯頃公於卞邑

以魯世
家修

秦莊襄王二年

魏安釐王二十九年趙孝成王十八年燕王七年楚考烈王十五年

蒙驁伐趙取榆次新城狼孟二十七城

以年未修

日有食之

以年未修

魏趙攻燕

以世家修

楚徙封黃歇於吳

以年未修

甲寅秦莊襄王三年

魏安釐王三十年韓桓惠王二十六年趙孝成王十九年齊王十八

年楚考烈王十六年燕王八年

王齕攻上黨諸城悉拔之初置太原郡

通鑑

蒙驁伐魏拔高都汲魏王迎公子無忌於趙以為上將軍無忌率五國兵敗秦軍於河外走蒙驁追至函谷

而還

以年表世家列傳修

趙與燕易土以龍亢汾門臨樂與燕燕以葛武陽平舒

與趙

以世家修

五月丙午王薨子政立是為秦始皇帝國事皆委於呂

不韋號稱仲父

以本紀列傳修

晉陽反

本紀

秦始皇帝政元年

魏安釐王三十一年

蒙騫擊定晉陽

以本紀修

作鄭國渠

年表

魏公子無忌以毀廢

以稽古錄修

秦始皇帝二年

魏安釐王三十一年
趙孝成王二十一年

趙以李伯為代郡守

以戰國策修

趙李牧大破匈奴十餘萬騎單于奔走

以列傳修

趙廉頗伐魏拔繁陽

以列傳修

趙孝成王薨于悼襄王偃立

以世
家修

趙使樂乘代廉頗將廉頗攻樂乘樂乘走廉頗遂奔魏

以列
傳修

秦始皇帝三年

魏安釐王三十三年韓桓惠王
二十九年趙悼襄王偃元年

蒙驁伐韓取十三城

通鑑

大饑

以本
紀修

十月蒙驁攻魏賜有詭

以本
紀修

秦始皇帝四年

魏安釐王三十四年趙悼
襄王二年燕王十二年

蒙騫拔暘有詭三月軍罷

以本紀修

趙李牧伐燕拔武遂方城

以年表世家修

七月蝗疫令百姓內粟千石拜爵一級

以年表通鑑修

魏安釐王薨子景湑王增立

以世家修

魏公子無忌卒

以年表列傳修

秦始皇帝五年

魏景湑王增元年趙悼襄王三年燕王十三年

蒙騫伐魏取酸棗燕虛長平雍丘山陽等二十城初置

東郡

通鑑

燕劇辛擊趙趙使龐煖擊之取燕軍二萬殺劇辛

以世家修

趙相魏相會盟于魯柯

以年表修

冬雷

本紀

秦始皇帝六年

魏景湣王二年韓桓惠王三十二年趙悼襄王四年齊王二十四年楚考烈王

二十二年衛元君十二年燕王十四年

楚魏韓趙燕衛合從來伐取壽陵至函谷關為我所敗

諸侯之師移攻齊取饒安而罷

以本紀春申君傳趙世家修

拔魏朝歌

以世家修

徙衛於野王并濮陽入東郡

以年表魏楚
衛世家修

楚徙都壽春命曰郢

以年表
世家修

楚考烈王納黃歇妾生子悍遂立為王后悍為太子

以春

申君
傳修

秦始皇帝七年

魏景湣
王三年

彗星見

以本紀
年表修

伐魏取汲

通鑑

夏太后薨

通鑑

秦始皇帝八年

魏景湣王四年趙悼襄王六年韓桓惠王三十四年

魏與趙鄴

趙世家

王弟長安君成蟜將兵擊趙而反死於屯留軍吏皆斬

遷其民於臨洮

以本紀修

河魚大上

以本紀修

封嫪毐為長信侯國事皆決於毐

以本紀修

韓桓惠王薨子安立

通鑑

韓以韓玘為相

以李斯傳修

秦始皇帝九年

魏景湣王五年韓王安元年
楚考烈王二十四年

彗星見竟天

年表

伐魏取垣衍蒲陽

以本紀年
表世家修

四月寒有凍死者彗星復見巳酉王冠帶劒

以本紀修

嫪毐作亂夷三族其黨與皆車裂滅宗輕者為鬼薪及

奪爵遷蜀遷太后於雍

以本紀呂
不韋傳修

楚考烈王薨子悍立是為幽王王舅李園殺黃歇滅其

家

以世家春
申君傳修

甲子秦始皇帝十年

趙悼襄王八年齊王二十八年楚幽王悍元年

十月相國呂不韋免就國

以本紀列傳修

大索逐客李斯上書說乃除逐客令復李斯官用其計

謀

以本紀列傳修

齊王趙王來置酒

以本紀年表修

用茅焦諫迎太后于雍復歸咸陽以茅焦為上卿

以本紀說

苑修

以尉繚為國尉

以本紀修

秦始皇帝十一年

趙悼襄王九年
燕王十九年

趙伐燕取狸陽兵未罷將軍王翦桓齮揚端和伐趙攻

鄴取九城

以世家本
紀通鑑修

趙廢太子嘉以庶子遷為太子

以世家修

趙悼襄王薨子遷立

以世家修

徙呂不韋於蜀

以列傳修

秦始皇帝十二年

魏景湣王八年趙王
遷元年楚幽王三年

呂不韋自殺

以本紀
列傳修

自六月不雨至于八月

通鑑

發四郡兵助魏伐楚

通鑑

復嫪毐舍人遷蜀者

本紀年表

秦始皇帝十三年

趙王二年

正月彗星見東方

本紀

桓齮攻趙平陽趙使扈輒帥師救之殺扈輒斬首十萬

以本紀
世家修

秦始皇帝十四年

韓王六年
趙王三年

桓齮取趙平陽武城宜安趙李牧大破我軍於宜安肥

下桓齮奔還趙封李牧為武安君

以本傳世家修

殺韓使韓非

以本紀列傳修

韓王納地效璽請為藩臣

以本紀通鑑修

秦始皇帝十五年

趙王二十四年燕王二十三年

大興師伐趙一軍抵鄴一軍自太原拔狼孟畚吾趙李

牧擊破我軍遂還

以本紀年表列傳修

燕太子丹來質亡歸

以年表世家修

地震

以本紀修

秦始皇帝十六年

魏景湣王十二年韓王八年趙王五年

韓獻南陽地

通鑑

初令男子書年

本紀

魏人獻地

通鑑

趙代地大震

以年表世家修

秦始皇帝十七年

韓王九年趙王六年衛元君二十二年

內史騰滅韓虜韓王安以其地置潁川郡

以本紀通鑑修

地震

以本紀修

華陽太后薨

通鑑

大饑

以本紀趙世家修

衛元君薨子角立

通鑑

秦始皇帝十八年

趙王七年衛君角元年

定韓地

以年表修

王翦楊端和桓齮伐趙趙李牧司馬尚禦之數破我師

殺桓齮趙王用郭開韓倉譖使趙葱顏聚代將殺李

牧廢司馬尚

以本紀世家
戰國策修

揚端和圍邯鄲

以本
紀修

秦始皇帝十九年

魏景湣王十五年
趙王八年

王翦大破趙軍殺趙葱顏聚亡遂克邯鄲虜趙王遷滅

趙

以世家
通鑑修

王翦屯中山

以本
紀修

王之邯鄲故與母家有仇者皆坑之

以本
紀修

太后薨

通鑑

趙公子嘉帥其宗之代立為代王與燕合兵軍上谷

本以

紀修

大饑

本紀

楚幽王薨弟猶立是為哀王立三月哀王庶兄負芻弑

哀王而立

以世
家修

魏景湣王薨子假立

通鑑

甲戌秦始皇帝二十年

魏王假元年楚王負芻元年
燕王二十八年代王嘉元年

燕太子丹使荊軻刺王不中誅軻使王翦辛勝攻燕大

破燕代之師于易水之西

以本紀世家
稽古錄修

秦始皇帝二十一年

楚王二年燕
王二十九年

王翦破燕太子軍拔薊燕王東保遼東斬太子丹以獻

以本紀
通鑑修

王賁伐楚取十餘城

以年表
世家修

李信蒙恬將二十萬伐楚

以王翦傳
本紀修

大雨雪

本紀

秦始皇帝二十二年

魏王二年
楚王三年

王賁伐魏引河灌大梁虜其王假遂滅魏

以年表世家修

楚人大破李信軍復使王翦將兵六十萬伐楚

以列傳通鑑修

秦始皇帝二十三年

楚王四年

王翦取陳以南至平輿大破楚軍於蕲殺其將軍項燕

以年表世家
列傳通鑑修

秦始皇帝二十四年

楚王五年

王翦蒙武滅楚虜楚王負芻

以世家修

秦始皇帝二十五年

燕王三十一年
代王六年

王賁拔遼東虜燕王喜遂滅燕

以本紀
世家修

王賁滅代虜代王嘉

以本
紀修

王翦悉定楚江南地降越君置會稽郡

以本
紀修

五月天下大酺

本
紀

大事記卷六

欽定四庫全書

大事記卷七

宋 呂祖謙 撰

秦始皇帝二十六年

齊王四十四年

定燕地

以年表修

王賁蒙恬自南攻齊入臨菑齊王建降遂滅齊

以本紀世家列

傳修

王初并天下更號皇帝命為制令為詔自稱曰朕

以本紀修

追尊莊襄王為太上皇

本紀

除謚法

紀本

定為水德以十月為歲首色尚黑音尚大呂數以六為

紀

以通鑑綱目
封禪書修

從李斯議不置諸侯分天下為三十六郡郡置守尉監

以本
紀修

更民名曰黔首

紀本

大酺

紀本

銷天下兵

以本
紀修

一衡石丈尺文字

以本紀修

徙天下豪富十二萬戶於咸陽

以本紀修

采古禮尊君抑臣者為時用餘皆滅之古樂唯舜大韶

周大武房中樂存改周大武曰五行房中曰壽人

以通

鑑前漢

志修

收秦半之賦租賦鹽鐵二十倍於古更戍力役三十倍

於古

以前漢食貨志修

以黃金為上幣銅錢重半兩為下幣龜貝玉不為幣

以前

漢志
修

築女懷清臺

以貨殖
傳修

秦始皇帝二十七年定齊地

以年
表修

巡隴西北地至雞頭山過回中

通鑑
綱目

作極廟

以本
紀修

賜民爵一級治馳道

以本
紀修

秦始皇帝二十八年東巡郡縣祠鄒嶧山刻石頌秦功

業遂封泰山禪梁父望渤海以東求僊人羨門之屬

登琅邪留三月作琅邪臺渡淮之衡山自南郡由武

關歸

以本紀封
禪書修

秦始皇帝二十九年東游至陽武博浪沙中韓人張良

狙擊始皇不中亡去令天下大索十日遂登之罘琅

邪過恒山道上黨入

以本紀封
禪書修

甲申秦始皇帝三十年

秦始皇帝三十一年十二月更名臘曰嘉平賜黔首里

六石米二羊

本紀

使黔首自實田

以本紀徐廣注修

卷七

微行逢盜關中大索二十日

以本紀修

秦始皇帝三十二年東巡刻碣石門壞城郭決隄防考

入海方士遂巡北邊道上郡入

以通鑑綱目本紀封禪書修

蒙恬將三十萬擊匈奴

以本紀修

秦始皇帝三十三年發諸嘗逋亡人贅壻賈人擊南越

取其地置桂林南海象郡

以本紀修

取閩越東越地置閩中郡

以東越傳修

蒙恬大破匈奴單于頭曼北徙悉收河南地置四十四

縣築長城起臨洮至遼東萬餘里

以本紀句
本傳修

運芻粟輸北河

以主父
本傳修

以謫徙民南戍五嶺北實河南初縣

以本紀句
本傳修

彗星出西方

以史記
注修

秦始皇帝三十四年謫治獄吏有罪者築長城及處南

越地

以年表
通鑑修

從丞相李斯議焚書偶語詩書者棄市以古非今者族

欲學法令者以吏為師

以本紀修

秦始皇帝三十五年為直道道九原通甘泉

年表

役刑徒七十餘萬人作宮阿房及穿治驪山

以本紀修

徙三萬家驪邑五萬家雲陽

以本紀

自謂真人不稱朕

以本紀

坑諸生四百六十餘人於咸陽

以本紀修

使長子扶蘇監蒙恬軍於上郡

以本紀修

秦始皇帝三十六年熒惑守心

以本紀

隕石東郡

以本紀修

徙民三萬家於北河榆中

以本紀年表修

秦始皇帝三十七年十月癸丑始皇出遊左丞相斯少

子胡亥從右丞相去疾守十一月至雲夢望祀虞舜

上會稽祭大禹至平原津而病使蒙毅還禱山川七

月丙寅始皇崩於沙丘平臺李斯與宦者趙高矯立

胡亥為太子殺長子扶蘇至咸陽發喪胡亥襲位為

二世皇帝

以本紀列傳修

九月葬始皇帝於驪山


以本紀修

殺蒙毅蒙恬子嬰諫不聽

以列傳修

復行錢

年表



大事記卷七

欽定四庫全書

史部

大事記卷八至十二

詳校官編修_臣溫汝造

刑部郎中_臣許兆椿覆勘

總校官進士_臣朱鈐

校對官庶吉士_臣王朝梧

謄錄監生_臣王翰

欽定四庫全書

大事記卷八

宋 呂祖謙 撰

秦二世皇帝

胡亥

元年

衛君二十一年 楚隱王陳勝元年 趙王武臣元年 齊王田儂元年 燕

王韓廣元年

魏王咎元年

冬十月戊寅大赦

通鑑

以趙高為郎中令

以本紀修

尊始皇廟為帝者祖廟

本紀

復自稱朕

本紀

春東行郡縣至碣石南至會稽遂至遼東而還

以本紀脩

十一月為兔園

年表

夏四月更為法律

以本紀列傳通鑑修

殺諸公子公主

以本紀李斯傳修

復作阿房宮

以本紀修

徵材士五萬人屯衛咸陽

本紀

滅衛廢衛君角為庶人

以世家修

秋七月發閭左戍戍卒陳勝起兵於蘄據陳自立為楚

欽定四庫全書

大事記卷八

宋 呂祖謙 撰

秦二世皇帝

胡亥

元年

衛君二十一年

楚隱王陳勝元年

王韓厲元年
魏王咎元年

冬十月戊寅大赦

通鑑

以趙高為郎中令

以本紀修

尊始皇廟為帝者祖廟

本紀

復自稱朕

本紀

楚使魏人周市徇趙地

以列傳修

趙使韓廣徇燕李良徇常山

以列傳修

九月沛人劉邦起兵於沛下相人項梁起兵於吳

通鑑

狄人田儋起兵於齊自立為齊王

以通鑑列傳修

韓廣自立為燕王

以列傳修

楚立周市為魏王市不受立魏公子咎為魏王而相之

以列傳修

番陽令吳芮率閩越東越兵以應諸侯

以前漢列傳修

龍川令趙佗據南海郡

以列傳修

秦二世皇帝二年

楚懷王孫心元年趙王歇元年齊王田市元年燕王韓廣二年魏王豹元

年韓王
成元年

冬十一月章邯敗周文於曹陽文走澠池章邯又大破

之周文自殺

以列傳通鑑修

楚田臧殺吳廣

以列傳通鑑修

從李斯請行督責

以列傳通鑑修

趙李良弒其王武臣來降

以張耳傳修

十二月章邯擊陳破楚軍楚莊賈弑其王陳勝以降

以列

傳年

表修

端月趙張耳陳餘立趙歇為趙王

以年表
列傳修

楚秦嘉立景駒為楚王

以年表
列傳修

章邯圍魏王於臨濟

以年表
修

楚劉邦以張良為廐將用其策

以列
傳修

二月楚項梁以八千人渡江淮收兵六七萬人軍下邳

以本
紀修

三月楚劉邦以兵屬項梁

以本紀
月表修

四月楚項梁破秦嘉軍嘉與景駒皆死

以本紀
月表修

魏周市如齊楚請救

以月
表修

楚項籍拔襄城坑其人

以本
紀修

六月項梁會諸別將於薛立楚懷王孫心為楚懷王都

盱台

以本
紀修

楚立韓公子成為韓王以張良為韓司徒

以列
傳修

齊王及楚將項它將兵救魏章邯大敗齊楚軍於臨濟

下殺齊王田儋及魏相周市魏王咎為其民約降約

定自燒殺

以列傳修

章邯圍齊田榮於東阿

以列傳修

七月齊人立故齊王建弟假為王

以列傳修

大霖雨三月

以本紀月表修

八月楚項梁救田榮破章邯軍於東阿下

以本紀月表修

齊田榮逐其王假立齊王儋于市為齊王

以本紀月表修

楚項梁請齊共擊章邯田榮不許

以本紀列傳修

用趙高計居禁中不見大臣

以本紀
列傳修

右丞相馮去疾左丞相李斯將軍馮劫請止阿房宮省

邊戍詔以屬吏去疾劫皆自殺

以本
紀修

楚項籍劉邦大破秦軍于雍丘殺三川守李由

以本
紀修

李斯具五刑夷三族以趙高為中丞相

以列
傳修

殺博士正先

以漢書
房傳修

九月章邯大破楚軍定陶殺項梁

以本紀
月表修

楚懷王自盱台都彭城

以漢書
本紀修

楚立魏豹為魏王

以月表漢書本紀修

後九月楚懷王并呂臣項籍軍

以漢書本紀修

章邯擊趙大破之圍趙王鉅鹿

以本紀月表修

楚懷王與諸將約先定關中者王之使宋義項籍范增

救趙使劉邦西入關

以本紀修

秦二世皇帝三年

楚懷王心二年趙王歇二年齊王田市二年燕王韓廣三年魏王豹二年

韓王成二年

冬十一月楚項籍殺上將軍宋義懷王因使項籍為上

將軍

以本紀修

十二月楚項籍渡河大破秦軍虜王離解鉅鹿圍

以本紀修

項籍為諸侯上將軍

以本紀修

趙陳餘亡居南皮

以列傳月表修

春二月楚項籍破章邯邯退軍棘原

以月表本紀修

夏四月楚項籍急攻章邯邯請益兵趙高不許

以月表修

六月楚項籍大破章邯吳水上

以本紀修

秋七月楚劉邦取南陽郡

以漢書本紀曹參傳修

章邯以軍降楚項籍

以本紀修

八月楚劉邦破武關

以本紀修

趙高弑帝于望夷宮立子嬰為王

通鑑綱目

九月誅趙高夷三族

以本紀列傳修

楚劉邦破峽關

以本紀修

楚義帝元年

漢高帝邦元年西楚霸王籍元年

冬十月劉邦至霸上秦王子嬰降遂西入咸陽封府庫

還軍霸上待諸侯約

以本紀月表修

項籍將諸侯兵四十餘萬畧地西至河南

以月表修

十一月劉邦與秦民約法三章

以本紀修

項籍坑秦降卒二十萬於新安

以本紀月表修

劉邦使兵守函谷關

以本紀修

十二月項籍破函谷關軍戲西鴻門遂屠咸陽殺故秦

王子嬰燒宮室火三月不滅

以本紀修

項籍不欲劉邦王關中使人致命懷王懷王曰如約

以本

紀修

春正月諸侯尊懷王為義帝

月表

二月項籍為天下主命徙義帝江南都郴分楚為四自立為西楚霸王封楚將英布為九江王楚共敖為臨江王番君吳芮為衡山王分秦為四封沛公劉邦為漢王遷之漢中封秦降將章邯為雍王司馬欣為塞王董翳為翟王三分關中以距漢分齊為三徙齊王田市為膠東王封齊將田都為齊王田安為濟北王分趙為二徙趙王趙歇為代王封趙相張耳為常山

王分燕為二徙燕王韓廣為遼東王封燕將臧荼為
燕王分魏為二徙魏王豹為西魏王封趙將司馬卬
為殷王分韓為二韓王成如其故封楚將申陽為河

南王

以月表本紀
皇極經世修

漢王欲攻西楚蕭何諫乃止

以漢書
列傳修

四月諸侯罷戲下各就國

本紀

趙佗自立為南越王

以列傳修

漢以蕭何為丞相周苛為御史大夫遣張良歸韓

以世家年

表修

五月齊田榮距擊齊王都都走西楚

以本紀列傳修

齊田榮弑膠東王市自立為齊王

以月表列傳修

秋七月齊王田榮使彭越擊殺濟北王安遂并三齊之

地

以列傳修

齊彭越擊西楚與蕭公角戰大破之

以列傳通鑑修

陳餘請兵於齊以擊常山

以列傳修

西楚霸王不遣韓王成就國廢為穰侯尋殺之張良復

歸漢

以世家通鑑綱目修

西楚奪衡山王吳芮地復以為番君

以本紀修

漢王以韓信為大將留蕭何漢中給軍食

以列傳世家修

八月漢王從故道襲雍大破雍王章邯於陳倉塞王司

馬欣翟王董翳皆降遂定關中 雍王章邯守廢丘

不下圍之

以漢本紀修

遼東王韓廣不肯徙國燕王臧荼殺之并其地

以漢書本紀修

西楚立故吳令鄭昌為韓王以距漢

以本紀修

漢高皇帝二年
西楚霸王二年

冬十月西楚霸王項籍弑義帝

通鑑綱目

陳餘襲常山常山王張耳敗歸漢陳餘復立代王趙歇

為趙王封陳餘為代王留傳趙使夏說守代

以列傳修

漢王如陝

本紀

河南王申陽降漢置河南郡

以本紀修

漢以韓襄王孫信為韓太尉擊韓韓王鄭昌降

以本紀列傳修

十一月漢立韓太尉信為韓王

以本紀列傳修

漢王都櫟陽

以本
紀修

漢拔雍隴西

以月
表修

漢繕治河上塞

開

故秦苑囿園池令民得田之

本
紀

春正月西楚霸王伐齊與齊王田榮戰於城陽榮敗走

為平原民所殺

以本
紀修

漢拔雍北地

以漢書
本紀修

漢大赦

以本
紀修

二月西楚復立故齊王田假為齊王

以月
表修

漢令民除秦社稷立漢社稷

本紀

漢置縣鄉三老

以漢書本紀修

殷王司馬卬叛西楚西楚使陳平擊降之

以世家修

三月齊田橫收齊散兵逐齊王假

以列傳月表修

漢王渡河西魏王豹降

以本紀修

漢王下河內虜殷王卬置河內郡

本紀

楚陳平降漢

以世家修

漢王為義帝發喪於洛陽

以本紀修

夏四月齊田橫立齊王榮于廣為齊王西楚霸王攻之

不下

以本紀修

漢以彭越為魏相國狗魏地

以漢書本紀修

漢王率五諸侯兵五十六萬人伐楚入彭城西楚霸王

自齊還大破漢軍睢水上漢王遁楚以太公呂后歸

以本紀修

齊田橫盡定三齊之地

以列傳修

漢王還至下邑下馬踞鞍問張良曰吾欲捐關以東誰

可與者良曰捐之黥布彭越韓信三人則楚可破

以世

家修

五月漢王屯滎陽軍復振與楚戰滎陽南京索閒破之

以漢書
本紀修

漢築甬道取敖倉粟

以本
紀修

魏王豹叛漢附楚

以漢本
紀修

六月漢還都櫟陽壬午立子盈為太子大赦令太子守

櫟陽諸侯子在關中者皆集櫟陽為衛

以本
紀修

漢引水灌廢丘雍王章邯自殺

以本紀修

漢置河上渭南中地隴西北地上郡

以史記漢書本紀修

漢脩祀典

以本紀修

關中大饑

本紀

漢王如滎陽

以本紀修

九月漢韓信滅魏虜魏王豹

以漢本紀修

後九月漢韓信禽代相夏說於閼與遂取代

以韓信傳修

匈奴冒頓弑其父頭曼自立為單于復取秦蒙恬所奪

地

以漢書
列傳修

漢高皇帝三年
西楚霸王三年

冬十月漢韓信張耳大破趙軍於井陘口殺陳餘虜趙

王歇遂滅趙

以漢本紀
列傳修

漢韓信遣使說燕王臧荼下之

以列
傳修

甲戌晦日有食之

以漢
本紀

十一月九江王布叛楚楚使龍且擊破之布奔漢

以漢
本紀

通鑑
修

癸卯晦日有食之

本紀

十二月漢王屯成臯

以漢本紀
列傳修

漢丞相蕭何遣昆弟子孫從軍

以世
家修

漢王遣酈食其立六國後以張良諫而止

以漢本紀
列傳修

夏四月西楚霸王圍漢王於滎陽

以漢本
紀修

楚范增辭歸道卒

以本
紀修

五月漢王留周苛守滎陽遁入關復出軍宛葉間

以漢
本紀

修

漢彭越擊西楚

以漢本紀修

漢王復軍成臯

以漢本紀修

六月西楚霸王拔漢滎陽殺周苛遂圍漢王於成臯漢

王走渡河奪韓信軍遣韓信擊齊

以漢本紀列傳修

秋七月有星孛于大角

以漢本紀修

臨江王共敖薨子尉嗣

以漢本紀修

八月漢使彭越劉賈燒楚積聚

以漢本紀修

漢彭越狗梁地取十七城

以漢本紀修

九月西楚霸王留曹咎守成皐自擊彭越復取十七城

以本
紀修

漢遣酈食其說齊下之

通鑑
綱目

漢高皇帝四年
西楚霸王四年

冬十月漢韓信襲破齊歷下軍齊王田廣走高密西楚

使龍且救齊

以漢本
紀修

漢大破楚軍於汜水殺曹咎

以漢本
紀修

漢王渡河復取成皐與西楚霸王皆軍於廣武

以漢本
紀修

十一月漢韓信大破齊楚於濰水殺龍且虜齊王廣齊相田橫自立為齊王灌嬰敗之橫奔彭越遂盡定齊

地

以本紀
列傳修

漢立張耳為趙王

以漢本
紀修

漢王還櫟陽四日復如廣武

以漢本
紀修

春二月漢使張良立韓信為齊王

以漢本
紀修

蒯徹說齊王韓信以三分天下之計不從

以列
傳修

秋七月漢立黥布為淮南王

以漢本
紀修

八月漢初為筭賦

以漢本
紀修

北貉燕人致梟騎助漢

以漢本
紀修

漢王令軍士死者吏為棺斂轉送其家

以漢本
紀修

漢以周昌為御史大夫

以年
表修

西楚與漢約中分天下以鴻溝為界九月西楚歸太公

呂后於漢解而東歸

以漢本
紀修

大事記卷八

欽定四庫全書

大事記卷九

宋 呂祖謙 撰

漢太祖高皇帝五年冬十月王追西楚項籍至固陵遣使許齊王韓信魏相國彭越地皆引兵來會

以本紀修

十一月西楚大司馬周殷舉九江兵降

以本紀修

十二月王與諸侯兵大破西楚軍於垓下項籍走死東

城楚地悉定

以本紀修

封項伯等四人為列侯賜姓劉氏故項籍臣稱其主名

者盡拜為大夫鄭君不從逐之

以本紀
列傳修

王還至定陶奪齊王韓信軍

以本
紀修

盧綰滅臨江虜其王尉

以本
紀修

春正月徙齊王信為楚王封魏相國彭越為梁王

以本
紀修

赦天下

以本
紀修

二月甲午即皇帝位于定陶汜水之陽

以本紀大
事記修

更王后曰皇后太子曰皇太子追尊先媼曰昭靈夫人

通鑑

封故衡山王吳芮為長沙王故粵王亡諸為閩粵王

本以

紀修

帝西都洛陽

以本紀修

夏五月兵皆罷歸家

本紀

復諸侯子在關中者十二歲

以本紀修

民聚保山澤者令各歸其縣復故爵田宅自賣為人奴

婢者免為庶人

本紀

詔守尉長吏善遇高爵

以本紀修

置酒洛陽南宮

本紀

召故齊王田橫未至洛陽三十里自殺

以通鑑修

以季布為郎中斬丁公以徇

以通鑑綱目修

帝西都關中

以本紀修

六月赦天下

以本紀修

秋七月燕王臧荼反臨代地帝自將征之

以史記漢書本紀修

趙景王耳長沙文王芮皆薨

以史記月表通鑑修

八月立趙太子敖為趙王長沙太子臣為長沙王

以史記月

表修

九月滅燕虜臧荼封太尉盧綰為燕王罷太尉官

以本紀史

記年
年修

使樊噲以丞相將兵攻代

以史記
本紀修

項籍故將利幾反帝自擊破之

以本紀修

後九月治長樂宮于長安

以史記前
漢本紀修

漢太祖高皇帝六年冬十月令天下縣邑城

本紀
修

十二月帝遊雲夢會諸侯于陳執楚王韓信是日赦天

下

以皇極經世
史記本紀修

帝還至雒陽赦韓信封為淮陰侯

以本
紀修

甲申始剖符封大功臣二十餘人為徹侯

以通
鑑修

春正月丙午分楚地為二國以淮東東陽鄆吳三郡五

十三縣封從兄將軍賈為荊王以淮西碭薛鄭三郡

三十六縣封弟文信君交為楚王

以史記漢書
本紀通鑑修

壬子以雲中鴈門代三郡封兄宜信侯喜為代王以膠

東膠西臨淄濟北博陽城陽六郡七十三縣封子肥

為齊王

以本紀修

以曹參為齊相國

以列傳修

諸侯得自除御史大夫羣卿以下衆官如漢朝

高五王傳

徙韓王信國於太原

以本紀修

三月封雍齒為什方侯

以本紀通鑑修

定功行封又作元功十八人位次

以史記本紀通鑑年表修

帝歸櫟陽

以本紀修

張良杜門不出

以列傳修

夏五月丙午尊太公為太上皇

以通鑑修

立大市於長安

以史記年表修

以張蒼為主計

以列傳修

秋匈奴冒頓圍韓王信於馬邑九月信以馬邑降匈奴

與匈奴南攻太原至晉陽

以本紀列傳修

命叔孫通徵魯諸生起朝儀有兩生不肯行

以列傳修

漢太祖高皇帝七年冬十月長樂宮成諸侯羣臣朝正

於長樂宮始用新儀以叔孫通為奉常

以列傳年表修

命蕭何次律令韓信申軍法張蒼定章程

以本紀修

帝北征韓王信于銅鞮信走匈奴遂征匈奴至平城白

登為匈奴所圍七日用陳平計得出

以皇極經世本紀修

十二月帝還過趙不禮趙王張敖

以本紀修

匈奴攻代代王棄國自歸雒陽赦為合陽侯

以本紀修

辛卯封子如意為代王

以本紀修

春令郎中有罪耐以上請之民產子復勿事二歲

以本紀

二月帝至長安遂定都丞相以下自櫟陽徙治長安

以史

記漢書
本紀修

治未央宮立東闕北闕前殿武庫太倉

以本紀修

置宗正官以序九族

以本紀修

夏四月帝如洛陽

以本紀修

以陳豨為趙相國監趙代邊兵

以本紀盧綰傳修

徙豐民於驪邑更命曰新豐

以地理志修

漢太祖高皇帝八年冬帝東擊故韓王信餘寇於東垣

還過趙相貫高謀為逆不果

以稽古錄修

以建武侯斬歙為車騎將軍

以列傳荀悅漢紀修

十二月帝至自東垣

以本紀修

春三月帝如洛陽

以本紀修

復吏卒至平城者終身

以本紀修

令賈人毋得衣錦繡綺縠絺紵罰操兵乘騎

以本紀修

秋八月吏有罪未發覺者赦之

以本紀

九月帝至自雒陽

以本紀修

漢太祖高皇帝九年冬十月未央宮成淮南王英布梁

王彭越趙王張敖楚王交及羣臣朝於未央宮置酒

前殿帝奉玉卮為太上皇壽

以史記漢書本紀修

遣劉敬奉宗室女翁主名為長公主以妻匈奴單于

以史

記漢書
列傳修

十一月徙楚昭氏屈氏景氏懷氏齊田氏及燕趙韓魏

彊族於闕中

以史記漢書
本紀列傳修

十二月帝如洛陽

以本
紀修

春正月廢趙王張敖為宣平侯徙代王如意為趙王

以本

修紀

詔丙寅前殊死以下皆赦之

通鑑

二月帝至自洛陽

以本紀修

以張敖故臣田叔孟舒等十人為郡守諸侯相

以本紀修

夏六月晦日有食之既

以本紀五行志修

以丞相蕭何為相國

以年表修

罷渭南河上中地郡復隸內史

以地理志修

以御史大夫周昌為趙丞相

以史記年表修

甲辰漢太祖高皇帝十年冬十月淮南王英布燕王盧綰荆王賈梁王彭越楚王交齊王肥長沙王吳臣朝

於長樂宮

以史記本紀修

以符璽御史趙堯為御史大夫

以史記漢書年表周昌傳修

夏五月太上皇崩于櫟陽宮

以漢紀通鑑修

秋七月癸卯葬太上皇于萬年楚王梁王皆來送葬赦

櫟陽囚

漢紀通鑑史記

八月令諸侯王立太上皇廟于國都

本紀

九月趙相國陳豨反於代帝北征次于邯鄲

以漢書史記本紀皇

經世修

詔縣道官獄疑者各讞所屬不能決者移廷尉廷尉不

能決者以聞

以荀悅漢紀刑法志修

漢太祖高皇帝十一年冬十月帝在邯鄲大破陳豨軍

以周勃為太尉定代地

以本紀年表修

春正月淮陰侯韓信謀反長安夷三族

本紀

故韓王信與匈奴據參合樊噲柴武擊斬之

以本紀列傳修

帝還雒陽

以本紀修

封于恒為代王頗取山南太原之地益屬代代之雲中

以西為雲中郡

以本紀修

赦天下

本紀

二月立郡國朝獻口賦法

以通鑑綱目修

詔郡國求賢

通鑑綱目

三月廢梁王彭越為庶人徙蜀尋夷三族

以本紀列傳修

分梁地為二國立子恢為梁王子友為淮陽王

以本紀列傳修

夏四月帝至自雒陽

以本紀修

五月遣陸賈立秦南海尉趙佗為南粵王

以本紀修

帝有疾樊噲排闥問疾

以通鑑列傳修

秋七月淮南王英布反擊殺荊王劉賈并其地北渡淮

擊楚王交走入薛

以史記漢書本紀修

帝自征英布發關中巴蜀兵為皇太子衛軍霸上赦天

下死罪以下皆從軍

以本紀修

立子長為淮南王

以史記本紀修

漢太祖高皇帝十二年冬十月帝大破英布軍於蘄西
布走渡淮數止戰不利與百餘人走江南長沙王吳

臣誘殺之於番陽

以本紀
列傳修

帝還過沛置酒沛宮復其民世世無所與

以本
紀修

周勃樊噲定代郡鴈門雲中地斬陳豨於當城

以通鑑
史記本

紀
修

省太尉官

以年
表修

更以荆為吳國立兄喜之子沛侯漢為吳王

以通鑑本
紀列傳修

十一月帝過魯以太牢祠孔子

以本紀修

十二月帝至自淮南

以荀氏漢紀修

帝欲以趙王如意易太子張良叔孫通諫不聽太子侍

燕東園公角里先生綺里季夏黃公皆從帝見之大

驚遂止

以列傳修

下相國蕭何廷尉即赦出之

以列傳通鑑修

帝召燕王盧綰不至春二月使樊噲擊之

以本紀列傳修

立子建為燕王

本紀

立南武侯織為南海王不克就國

以本紀及注修

三月詔不義擅起兵者天下共誅之

以本紀修

刑白馬與羣臣盟非劉氏不得王非有功不得侯不如

約者天下共誅之是時同姓王者九國唯長沙王吳

臣以異姓特王天子所有者凡十五郡

以史記年表漢書王陵周

亞夫吳

為傳修

詔陳平誅樊噲以周勃代將平縛噲傳詣長安

以列傳修

夏四月詔陳平灌嬰將兵十萬屯滎陽

以本紀列傳修

甲辰帝崩于長樂宮丁未發喪赦天下

以本紀修

以陳平為郎中令復樊噲爵邑

以本紀修

盧綰亡入匈奴

以本紀修

五月丙寅葬長陵皇太子羣臣反至太上皇廟上謚曰

高皇帝是日太子嗣位是為孝惠皇帝

以本紀修

尊皇后曰皇太后

以本紀修

詔高爵宗室外戚民老者幼者有罪寬其刑

以本紀及注修

田租復十五稅一

以本紀修

詔吏六百石以上其家唯給軍賦故吏嘗佩二千石官

印者亦如之

以本紀及注修

令郡國立高皇帝廟

以本紀修

漢孝惠皇帝元年冬改諸侯王相國為丞相

荀氏漢紀

召趙丞相周昌詣長安

以列傳修

太后殺趙王如意及其母戚氏

以皇極經世修

令民買爵以贖罪

以本紀修

賜民爵一級

以本紀

徙淮陽王友為趙王

史記本
紀修

賜酈侯呂台父周呂侯澤謚曰令武

以史記
本紀修

始作長安城西北方

以史記大
事記修

漢孝惠皇帝二年冬十月楚王交齊王肥來朝

以史記
本紀修

齊王獻城陽郡為長公主湯沐邑尊公主為太后

以史記
本紀修

傳
修

春正月有兩龍見蘭陵家人井中

本
紀修

隴西地震

本
紀修

夏旱

本紀

秋七月辛未相國鄼文終侯蕭何薨

以本紀通鑑修

癸巳以齊丞相平陽侯曹參為相國

以史記大事記修

漢孝惠皇帝三年春大發關中民城長安三十日罷

以稽

古錄本

紀修

復以宗室女為公主妻匈奴單于

以本紀修

夏五月立閩越君搖為東海王

本紀

六月發諸侯王列侯徒隸二萬人城長安

本紀

秋七月都廐災

本紀

南越王趙佗入貢

以本紀修

蜀湔氐反擊平之

以史記大事記通鑑修

漢孝惠皇帝四年冬十月壬寅立長公主女張氏為皇

后

以本紀列傳修

春正月舉民孝弟力田者復其身

本紀

三月甲子皇帝冠赦天下

本紀

省法令妨吏民者

本紀

除挾書律

紀本

立原廟渭北

鑑以通修

長樂宮鴻臺災

紀本

雨血于宜陽

紀漢

秋七月乙亥未央宮凌室災丙子織室災

紀本

漢孝惠皇帝五年冬十月雷桃李華棗實

紀本

春正月復發關中民城長安三十日罷

紀以本修

夏大旱

紀本

秋八月己丑相國平陽懿侯曹參薨

以本紀修

九月長安城成

本紀

漢孝惠皇帝六年冬十月諸侯王以都城成來賀

以史記本

紀修

以安國侯王陵為右丞相曲逆侯陳平為左丞相

以年表修

齊悼惠王肥薨

通鑑

遣張良立齊太子襄為齊王赦齊境內

以列傳史記大事記修

匈奴單于冒頓為書嫚太后樊噲請擊之從季布議而

止

以列傳修

令民得賣爵

本紀

民女子年十五以上至三十不嫁五算

以本紀修

夏六月舞陽武侯樊噲薨

以本紀修

立西市修太倉

以史記大事記漢書本紀修

留文成侯張良薨

以通鑑漢紀修

以周勃為太尉

通鑑

漢孝惠皇帝七年冬十月詔灌嬰將車騎材官屯滎陽

以本
紀修

春正月辛丑朔日有食之

本紀

夏五月丁卯日有食之既

本紀

秋七月戊寅帝崩于未央宮

本紀

太后使呂產將南北軍

通鑑
綱目

九月辛丑葬安陵皇后張氏名後宮子為太子至是即

位謁高廟

以本紀外
戚傳修

太后臨朝稱制赦天下

本紀

甲寅漢高皇后呂氏元年冬十一月甲子以右丞相王陵為帝太傅左丞相陳平為右丞相典客辟陽侯審

食其為左丞相食其不治事監宮中

以史記本紀漢書年表修

太傅王陵謝病免

以列傳修

追尊太后父臨泗侯呂公為宣王兄周呂令武侯澤為

悼武王

以通鑑修

春正月除三族皐妖言令

本紀

三月置孝弟力田官一人秩二千石

以本紀修

夏四月長公主薨立公主子張偃為魯王謚公主曰魯

元太后

以通鑑修

辛卯立孝惠後宮子彊為淮陽王不疑為恒山王山為

襄城侯朝為軹侯武為壺關侯割齊之濟南郡為呂

國立酈侯呂台為呂王

以史記本紀漢書年表修

五月趙王宮叢臺災

本紀

秋桃李華

本紀

御史大夫趙堯抵罪以上黨守任敖為御史大夫

以漢紀百

官表
修

漢高皇后呂氏二年冬十一月呂肅王呂台薨立呂太

子嘉為呂王

以通鑑史
記本紀修

春正月詔定列侯朝位

以本
紀修

己卯地震羗道武都道山崩

本
紀

楚王遣子郢客入都受業齊王遣弟章入宿衛夏五月

丙申封郢客為上邳侯章為朱虛侯以郢客為宗正

又以呂祿女妻章

以年表
列傳修

六月丙戌日有食之

本紀

秋七月恒山王不疑薨無後立襄成侯山為恒山王更

名義

以史記漢書本紀通鑑修

行八銖錢

本紀

封鄴文終侯蕭何夫人同為鄴侯

以史記年表修

漢高皇后呂氏三年夏江水漢水溢流民四千餘家

本紀

秋星晝見

本紀

伊水洛水溢流千六百餘家汝水溢流八百餘家

通鑑

漢高皇后呂氏四年春二月癸未封孝惠後宮子太為

昌平侯

以年表
通鑑修

夏四月丙申封淮陽丞相呂勝為贅其侯楚丞相呂更始為滕侯呂忿為呂成侯太中大夫呂它為俞侯舞

陽武侯樊噲夫人呂嬃為臨光侯

以史記本
紀年表修

廢少帝幽殺之五月丙辰立恒山王義為帝更名曰弘

不稱元年

以通鑑
本紀修

封軹侯朝為恒山王

以史記
本紀修

以平陽侯曹窋為御史大夫

通鑑

禁南越關市鐵器

通鑑

漢高皇后呂氏五年春南越王趙佗自稱南武帝

本紀

秋八月淮陽

關

王彊薨立壺關侯武為淮陽王

以通鑑修

九月發河東上黨騎屯北地

本紀

初令戍卒歲更

以史記大事記修

漢高皇后呂氏六年冬十月廢呂王呂嘉十一月立肅

王弟產為呂王

以通鑑修

春星晝見

本紀

夏四月丁酉赦天下

本紀

齊王遣弟興居入宿衛封為東牟侯

以列傳年表修

秩長陵令二千石六月城長陵

本紀

匈奴寇狄道攻阿陽

本紀

行五分錢

本紀

漢高皇后呂氏七年冬十二月匈奴寇狄道

本紀

春正月丁丑趙王友幽死于邸

本紀

己丑晦日有食之既晝晦

以史記漢書本紀修

二月徙梁王恢為趙王呂王產為梁王梁王不之國為

帝太傅

通鑑

立惠帝後宮子平昌侯太為呂王更名梁曰呂呂曰濟

川

史記本紀

割齊琅瑯郡立高祖從祖弟大將軍營陵侯澤為琅瑯

王

以本紀年表修

夏五月追尊太上皇妃昭靈夫人曰昭靈后

以本紀修

六月趙王恢自殺廢其嗣

以史記本紀修

朱虛侯章侍宴以軍法行酒

以荀氏漢紀通鑑修

陸賈說丞相陳平與太尉周勃相結

以荀氏漢紀通鑑修

秋使使告代王恒欲徙王趙恒謝願守代邊乃立武信

侯呂祿為趙王

以史記本紀修

九月燕靈王建薨太后殺其子國除

以史記本紀修

南越侵長沙遣隆慮侯周竈擊之

以通鑑舉要歷修

漢高皇后呂氏八年冬十月辛丑立呂肅王子東平侯

通為燕王

通鑑

春三月太后被還遂病

以史記本紀修

夏四月丁酉封中大謁者張釋為建陵侯諸中官宦者

令丞皆為關內侯

以史記年表本紀修

江水漢水溢流萬餘家

本紀

秋七月以趙王呂祿為上將軍將北軍呂王產居南軍

以史記本紀修

辛巳太后崩于未央宮遺詔赦天下以產為相國祿女

為帝后

以史記
本紀修

合葬長陵

史記外
戚世家

以左丞相審食其為帝太傅

以史記
本紀修

八月丙午齊王舉兵討呂氏西攻呂國之濟南

以史記
本紀列

傳
修

相國呂產使灌嬰擊齊嬰留屯滎陽與齊連和

以史記
本紀修

九月庚申太尉周勃入北軍使朱虛侯章入宮殺呂產

及長樂衛尉呂更始諸呂無少長皆斬之

以史記
本紀修

辛酉廢魯王張偃為南宮侯

以史記本紀年表修

壬戌復以帝太傅審食其為左丞相尋免

以史記本紀修

戊辰徙濟川王太為梁王立趙幽王子遂為趙王

以史記本

紀修

遣朱虛侯章告齊王罷兵灌嬰兵亦罷滎陽而歸

以史記本

紀修

諸大臣迎立代王恆後九月己酉晦至長安廢少帝代

王即皇帝位是為文帝誅高后所名惠帝子弘朝武

太

以史記本
紀年表修

以代中尉宋昌為衛將軍鎮撫南北軍代郎中令張武

為郎中令

以史記
本紀修

赦天下賜民爵一級女子百戶牛酒酺五日

以史記
漢書本

紀及
注修

大事記卷九